



Na osnovu člana 64. stav (1) tačka b) i člana 70. Zakona o javnim nabavkama («Službeni glasnik BiH», broj 39/14) i člana 18. Poslovnika Centralne izborne komisije Bosne i Hercegovine («Službeni glasnik BiH», br. 50/07, 33/09, 24/13, 32/14 i 29/18), na preporuku Komisije za javne nabavke od 30.05.2018. godine, Centralna izborna komisija Bosne i Hercegovine je na 23. sjednici, održanoj 31.05.2018. godine, donijela

ODLUKU **o izboru najpovoljnijeg ponuđača**

(1) Ugovor za javnu nabavku usluga štampanja i pakovanja izbornog materijala za Opće izbore 2018. godine **LOT 4- Izrada fascikli sa suhim žigom i štampanje certifikata za dodjelu mandata** dodjeljuje se ponuđaču **“Grupa ponuđača: „Javna ustanova Službeni glasnik RS“, Banja Luka-predstavnik grupe ponuđača, „Dnevne nezavisne novine“ d.o.o Banja Luka i „Grafomark“ d.o.o Laktaši”**.

(2) Ponuda ponuđača iz stava (1) dispozitiva ove odluke zadovoljava sve uvjete utvrđene u predmetnoj tenderskoj dokumentaciji i istom je ponuđena najniža cijena u iznosu od **3.976,90 KM bez PDV, odnosno 4.652,97 KM sa PDV.**

(3) Ponuđaču iz stava (1) dispozitiva ove odluke, će biti dodijeljen ugovor u skladu sa elementima iz ponude, uvjetima i kriterijima utvrđenim u tenderskoj dokumentaciji.

(4) Ova odluka stupa na snagu danom donošenja i objavit će se na internet-stranici Centralne izborne komisije BiH.

O b r a z l o ž e n j e

Postupak javne nabavke usluga štampanja i pakovanja izbornog materijala za Opće izbore 2018. godine LOT 4-Izrada fascikli sa suhim žigom i štampanje certifikata za dodjelu mandata proveden je putem otvorenog postupka. Obavještenje o javnoj nabavci objavljeno je na Portalu javnih nabavki broj: 794-1-2-106-3-11/18 od 11.05.2018. godine. Do krajnjeg roka za prijem ponuda dana 23.05.2018. godine do 14,00 sati dostavljena je jedna ponuda grupe ponuđača „Javna ustanova Službeni glasnik RS“, Banja Luka-predstavnik grupe ponuđača-„Dnevne nezavisne novine“ d.o.o Banja Luka i „Grafomark“ d.o.o Laktaši.

Komisija za javne nabavke, imenovana odlukom broj: 07-2-16-3-99-2/18 od 01.02.2018. godine, izvršila je pregled i ocjenu ponuda o čemu je sačinila Zapisnik o pregledu i ocjeni ponuda broj: 07-2-16-3-99-20/18 od 30.05.2018. godine, u kojem je dala preporuku Centralnoj izbornoj komisiji BiH da u ovom predmetu javne nabavke donese odluku o izboru najpovoljnijeg ponuđača i dodjeli ugovor grupi ponuđača „Javna ustanova Službeni glasnik RS“, Banja Luka-predstavnik grupe ponuđača-„Dnevne nezavisne novine“ d.o.o Banja Luka i „Grafomark“ d.o.o Laktaši s obzirom da je njihova ponuda u skladu sa kriterijima i tehničkom specifikacijom utvrđenom tenderskom dokumentacijom i da je ponuđena cijena u iznosu od 3.976,90 KM bez PDV, odnosno 4.652,97 KM sa PDV ocijenjena kao prihvatljiva i u okviru osiguranih sredstava za predmetnu nabavku u budžetu Centralne izborne komisije BiH.

Imajući u vidu naprijed navedeno, Centralna izborna komisija BiH je i odlučila kao u dispozitivu ove odluke.

Pouka o pravnom lijeku: Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili preporučenom poštanskom poštom u roku od 5 dana od dana prijema ove odluke.

Broj: 07-2-16-3-99-23/18
Sarajevo, 31.05.2018. godine

Dostavljeno:
-Ponuđaču
-a/a

